

0.0.1 bahussutasuttaṃ

0. sāvattthinidānaṃ

1. atha kho aññataro bhikkhu yena bhagavā tenupa-
saṅkami. upasaṅkamtivā bhagavantam abhivādetvā
ekamantaṃ nisīdi. ekamantaṃ nisinno kho so bhik-
khu bhagavantam etadavoca:
2. kena nu kho bhante loko nīyati, kena loko parikis-
sati, kassa ca uppannassa vasaṃ gacchatīti?
3. sādhu sādhu bhikkhu, bhaddako kho te bhikkhu
ummaggo, bhaddakaṃ paṭibhānaṃ, kalyāṇī paripuc-
chā. evaṃ hi tvaṃ bhikkhu paripucchasi:
4. kena nu kho bhante loko nīyati, kena loko parikis-
sati, kassa ca uppannassa vasaṃ gacchatīti?
5. evaṃ bhante.
6. cittena kho bhikkhu loko nīyati, cittena parikis-
sati, cittassa uppannassa vasaṃ gacchati.
7. sādhu bhanteti kho so bhikkhu bhagavato bhāsi-
taṃ abhinanditvā anumoditvā bhagavantam uttariṃ
pañhaṃ apucchi:

8. bahussuto dhammadharo, bahussuto dhammadharoti bhante vuccati. kittāvatā nu kho bhante bahussuto dhammadharo hotīti?

9. sādhu sādhu bhikkhu, bhaddako kho te bhikkhu ummaggo, bhaddakaṃ paṭibhānaṃ, kalyāṇī paripucchā. evaṃ hi tvaṃ bhikkhu paripucchasi:

10. bahussuto dhammadharo, bahussuto dhammadharoti bhante vuccati. kittāvatā nu kho bhante bahussuto dhammadharo hotīti?

11. evaṃ bhante.

12. bahu kho bhikkhu mayā dhammā desitā: suttaṃ geyyaṃ veyyākaraṇaṃ gāthā udānaṃ itivuttakaṃ jātakaṃ abbhutadhammaṃ vedallaṃ. catuppadāya cepi bhikkhu gāthāya atthamaññāya dhammamaññāya dhammānudhammapaṭipanno hoti bahussuto dhammadharoti alaṃ vacanāyāti.

13. sādhu bhanteti kho so bhikkhu bhagavato bhāsitaṃ abhinanditvā anumoditvā bhagavantaṃ uttariṃ pañhaṃ apucchi:

14. sutavā nibbedhikapañño, sutavā nibbedhikapaññoṇoti bhante vuccati. kittāvatā nu kho bhante sutavā nibbedhikapañño hotīti?

15. sādhu sādhu bhikkhu, bhaddako kho te bhikkhu ummaggo, bhaddakaṃ paṭibhānaṃ, kalyāṇī paripucchā. evaṃ hi tvaṃ bhikkhu paripucchasi:

16. sutavā nibbedhikapaṇṇo, sutavā nibbedhikapaṇṇoti bhante vuccati. kittāvatā nu kho bhante sutavā nibbedhikapaṇṇo hotīti?

17. evaṃ bhante.

18. idha bhikkhu bhikkhuno idaṃ dukkhanti sutam hoti, paṇṇāya cassa atthaṃ ativijjha passati. ayaṃ dukkhasamudayo'ti sutam hoti, paṇṇāya cassa atthaṃ ativijjha passati. ayaṃ dukkhanirodho'ti sutam hoti, paṇṇāya cassa atthaṃ ativijjha passati. ayaṃ dukkhanirodhagāminī paṭipadā'ti sutam hoti, paṇṇāya cassa atthaṃ ativijjha passati. evaṃ kho bhikkhu sutavā nibbedhikapaṇṇo hotīti.

19. sādhu bhanteti kho so bhikkhu bhagavato bhāsitaṃ abhinanditvā anumoditvā bhagavantam uttariṃ paṇham apucchi:

20. paṇḍito mahāpaṇṇo, paṇḍito mahāpaṇṇo'ti bhante vuccati. kittāvatā nu kho bhante paṇḍito mahāpaṇṇo hotīti?

21. sādhu sādhu bhikkhu, bhaddako kho te bhikkhu ummaggo, bhaddakaṃ paṭibhānaṃ, kalyāṇī paripucchā. evaṃ hi tvaṃ bhikkhu paripucchasi:

22. paṇḍito mahāpaṇṇo, paṇḍito mahāpaṇṇo'ti bhante vuccati. kittāvatā nu kho bhante paṇḍito mahāpaṇṇo hotīti?

23. evaṃ bhante.

24. idha bhikkhu paṇḍito mahāpaṇṇo nevattavyābādhāya ceteti, na paravyābādhāya ceteti, na ubhaya-vyābādhāya ceteti. attahitaṃ parahitaṃ ubhayahitaṃ sabbalokahitameva cintayamāno cinteti. evaṃ kho bhikkhu paṇḍito mahāpaṇṇo hotīti.